



Nhlayiso hi nkarhi wa CORONA

Switsundzuxo swa ku hanya hi rirhandzu, ku nga ri hi ku chava

Switsundzuxo leswi swi tirhisiwa hi ku landza mpfumelelo wa tsalwa ra Nathan Betts, 'The Coronavirus: Choosing Love in a Time of Fear', leri nga kandziyisiwa ro sungula eka www.rzim.org

1. Ku rhula

Swa tika ku hanya hi rirhandzu loko hi ri na ku vilela. Kambe miehleketo leyi nga rhula ya hi pfuna. Ti nyike nkarhi wa ku va na ku rhula siku na siku. Leswi swi endla leswaku miehleketo ya hina yi kuma mpfuxelelo lowu hi wu lavaka.

"Tshikani matlhari, swi tiveni leswaku hi mina Xikwembu." - Psalm 46:10

2. Xikhongelo

Khongela nkarhi na nkarhi. Veka minkarhi yo hambana ya siku leswaku u ta khongela, u kombela ku pfuniwa eka xikwembu. Hi lava mpfuneto wakwe. Loko hi n'wi kombela, u ta hi hlamula.

"Mi nga tshiki ku khongela. Eka hinkwaswo, nk hensani; hikuva hi kona ku rhandza ka Xikwembu ehenhla ka n'wina." - 1 Thessalonians 5:17-18

3. Yingisela Xikwembu

Ti nyike nkarhi siku na siku leswaku u ta hlaya kumbe u yingisela Bibe. Leswi swi hi pfuna leswaku hi twisisa Xikwembu na hi laha xi nga tirha hi kona eka matimu hinkwawo – hi nkarhi wo tika, wa mavabyi yo tlulela, wa nyimpi, wa dyandza na hi nkarhi wa kurhula. Naswona swi hi pfuna ku twisisa hi laha xi nga va ka xi tirha hi kona namuntlha evuton'wini bya hina na le misaveni.

"N'wina vana, ndzi yingiseleni: Ku katekile lava hlayisaka switsundzuxo swa mina. Yingisani swiletelo, mi ta tlhariha, mi nga tshuki mi swi ba hi makatla." - Proverbs 8:32-33

4. Ku twisisa

Ku twisisa swi na nkoka swinene eka rirhandzu. Ku va u kota ku rhandza makhelwani, munghana kumbe xirho xa va ndyangu, u fanele ku va twisisa. Swi lava leswaku u nga heli mbilu naswona u ti karhata. Swi lava leswaku hi vutisa swivutiso swo tala eka munhu un'wana, na ku va na nhlayiso.

"Leswi mi kumeke ku khongoteleka eka Kriste, leswi mi susumetiwa hi rirhandzu ra yena ni ku hlanganisiwa hi Moya, naswona leswi mi twelanaka vusiwana ni ku kombana tintswalo... Mi nga endli nchumu hi moya wa ku tirhandza, kumbe hi ku tidzunisa hi swa hava, kambe un'wana ni un'wana a a ti tsongahate eka van'wana, a nga anakanyi leswaku wa va tlula hi vunene." - Philippians 2:1,3-4

5. Nhlayiso lowu ananyisiwaka hi vukheta

Eka nkarhi lowu wa ku pima mafamba-fambelo ya vanhu, hi fanele ku kuma tindlela ta vutlhari ta ku kombeta nhlayiso na tintswalo na loko hi nga ri kona hi xiviri. Hi nga ba riqhingho kumbe hi rhumela WhatsApp eka vanghana va hina. Kumbe hi va rhumela rungula ra nhlohletelo. Hi nga kamba vadyuhari kumbe makhelwani loyi a nga na xilaveko, leswaku va ta swi tiva leswaku va rhandziwa.

"Rhwarelanani mindzhwalo, kutani, hi ku endlisa sweswo, mi ta va mi hetisa nawu wa Kriste." - Galatians 6:2